

欽定石渠寶笈三編

欽定石渠寶笈三編

御書房藏

四

本朝臣工書畫

梁國治書

高宗純皇帝御製學詩堂記

二冊

梁國治摹蘭亭八柱帖

八冊

關槐畫羣峯積玉

一軸

張季林谷秋容圖

一軸

張演畫山水

一冊

錫林畫雪景

一卷

孫祐畫竹溪消夏

一軸

余省臨劉永年花卉翎毛

一卷

金廷標畫孟母移居

一軸

金廷標竹谿六逸圖

一軸

金廷標高賢遇隱圖

一軸

金廷標探梅圖

一軸

金廷標戲嬰圖

一軸

金廷標畫歸猿洞故事

一軸

金廷標畫名花春慶

一軸

金廷標畫護花壽石

一軸

張雨森仿歷代名人畫

一冊

郎世寧畫花卉

一冊

郎世寧畫松石仙禽

一軸

艾啟蒙畫雙猿

一軸

釋成衡西淀紀

恩圖

一卷

鵠譜

一冊

此二件院畫未題姓名

荷蘭國人役馬牛圖

一軸

無名氏畫長崎貿易圖

一冊

無名氏臨王淵花鳥

一軸

無名氏畫福祿壽

一軸

集錦書畫

謹依總目以
冊卷為次序

趙用賢趙士春姚希孟尺牘

一冊

明人尺牘

二冊

周亮工集名家山水

一冊

宋四賢尺牘

一卷

紙織書畫

董其昌秋夜讀書詩

一冊

[illegible]

梁國治書

高宗純皇帝御製學詩堂記

二冊

本幅紙本摺裝二冊上冊十五幅下冊十六幅皆縱五寸五分橫六寸三分楷書

御製學詩堂記

子曰小子何莫學夫詩於伯魚之過庭也曰不學詩無以言學詩尚矣然學詩者豈以駢四儷七叶聲韻練詞藻為能盡詩之道哉必於可興可觀可

羣可怨事父事君之大端深入自得然後蘊諸內則心氣和平發諸外則事理通達於是言之文而行之遠不讀關雎麟趾不能行周官法度是則有天下國家者尤不可不學詩也宋高宗命馬和之為毛詩全圖自書經以配之間亦有孝宗書豈和之始事於建炎而藏功於乾道阜陵補書以卒成之乎歷年既遠散失者多其在內府已登諸石渠寶笈書者凡九卷書成之後續得者又八卷而以

新證舊乃知向所藏或失之精覈者凡五卷夫真者既知其醇則贗者宜去其疵於是萃前後可信為真者都為一筭別藏於景陽宮後殿而名之曰學詩堂後或有所得將以是證之而歸其筭焉各卷並為題識書之以傳信永世卷之甲乙以風雅頌為次第而不計書經者之前後其已登石渠寶笈今訂為偽之五卷則仍其舊亦各為識語書其後夫高孝兩朝偏安江介無恢復之志其有愧雅

頌大旨多矣。則所為繪圖書經亦不過以翰墨娛情而已。豈真能學詩者乎。詩曰高山仰止景行行止。惜乎吾不能揖讓於清廟明堂之間也。

附錄

馬和之畫邶風七篇圖跋。馬和之所繪邶風圖僅存式微旄邱泉水北門靜女新臺二子乘舟七篇。並闕宋高宗所書經文而卷後陸師道跋依圖考定一一可按。曩編石渠寶笈時曾手書諸詩以

儷之列為上等並題跋以識茲集內府所有和之
毛詩圖參較絹素畫法脗合無間確可信為真蹟
者凡十二此其一也圖舊為冊本今既合篋弁藏
因改裝成卷以從其類夫鑒別馬畫真贋所重者
畫而編詩亦當以四始篇什為次此卷自宜居首
不必復拘舊書新補之先後並詳學詩堂記中至
於原書所載難以悉為改正近年來凡有已入書
之字畫續經題詠及辨訂者均記以石渠繼鑑璽

而原書一仍其舊是卷準而行之并識梗概餘仿此

宋高宗書馬和之畫鄭風五篇圖跋 鄭風凡二十一篇此卷雖止釋兮風雨出其東門野有蔓草溱洧五篇而每篇具能曲傳詩人真意故是小吳生傑作此與齊風嘉魚鴻雁魯頌諸圖皆經散佚而僅存者然吉光片羽亦足珍貴矧其為連篇可玩者乎

宋孝宗書馬和之畫齊風六篇圖跋 此繪齊風
雞鳴還著敝笥載驅猗嗟六篇而闕其五畫與內
府所藏和之諸圖同字則不類宋高宗所作或疑
其贗余曰不然此卷縑素厚薄尺幅長短與和之
他卷可信為真者俱適脗合而設色用筆亦非庸
手所能彷彿其為和之畫固無可疑且作偽臨書
於行款必規模曲肖今卷中所寫諸詩視高宗分
行疎密迥異焉肯留此罅隙供人指摘乎按陸師

道邶風圖跋云宋高孝二廟始盡寫三百篇令和之圖寫其跡云云考畫譜馬和之傳引陳善杭州志云高孝兩朝深重其畫毛詩三百篇俱畫一圖而不言書寫經文事夫高宗書信而可徵則師道所云孝宗亦嘗寫經應自不妄且其墨蹟濃淡雖有不同而結體運筆猶存德壽家法故當為阜陵補成因改籤為宋孝宗書辨識如右其石渠寶笈原書之不復更易與印繼鑑璽之故已詳邶風圖

卷茲不複贅

宋高宗書馬和之畫陳風圖跋 陳風圖卷載於
明茅維南陽名畫表云是韓宗伯存良家藏此卷
後有董其昌跋所言相合卷舊登石渠寶笈書題
籤作陳風十章今集和之真蹟各卷其篇什不全
者則書某風某什若干篇全者不復書其篇數以
示區別並印繼鑑璽以識之

宋高宗書馬和之畫幽風圖跋

石渠寶笈舊藏

幽風圖卷止有六篇而破斧篇別為一卷亦續入
內府卷後董其昌跋惜其餘不知又歸何處並定
為趙孟頫補圖今以兩卷比觀則人物神情無纖
毫異而破斧篇高宗書與畫相連並無割裂痕破
斧既是馬畫則不得疑孟頫補圖矣蓋香光未觀
全卷因臆度失實致為高士奇所笑然士奇亦止
見此一斑別據徐氏所藏小雅為證猶不免旁引
借鑑未若今日相印於本來面目之快也因命裝

漢聯為一卷。仍附破斧篇。原跋於後。以識延津之合。不更增佳話乎。繼鑑印璽之例。亦如邶風。

宋高宗書馬和之畫小雅鹿鳴之什圖跋。近得馬和之繪小雅鹿鳴之什圖。經文為宋高宗書。展卷穆然。具有古意。因以內府所藏和之各卷冊較之。與此合者凡九。絹素筆法無夾銖黍。並可信為真蹟。此卷鹿鳴之什。畫至魚麗。而以南陔白華華黍三詩小序附錄於後。乃從毛萇原什分次。南有

嘉魚以下與今所行朱子集傳什名不同蓋紹興時祇有毛傳自宜據以為書不必以後出之朱傳參差致疑也且毛公當日第就所存各篇核實為什而笙詩則以類相從分什麗之其理自正朱子乃因鄉飲酒禮歌魚麗笙由庚歌南有嘉魚笙崇邱歌南山有臺笙由儀之文遂抑由庚於魚麗後雖不得謂其無所據依然繹儀禮經文其始工歌鹿鳴四牡皇皇者華笙入乃樂南陔白華華黍歌

與笙皆以三詩為節。乃間以後則一歌一笙相代而作。孔疏謂不比篇而間取之。其說最當。所以合樂之詩。采繁而下。即及采蘋。若必如朱子相次而取。則草蟲一篇。何以不移於采蘋後乎。且儀禮鄭氏註。謂魚麗采其物多酒旨。所以優賢。南有嘉魚。采其能以禮下賢者。與之燕樂。南山有臺。采其愛友。賢者既欲其身壽考。又欲其名德之長。是此三篇義各有取。因連類用之。原不必與笙詩定相比。

次而白華既已亡辭復標什首又不若毛公之核實為長也。辨訂和之詩經圖之役以茲卷為權輿故於此畧記梗概。餘說分識各卷中而釐正彙存之詳則摠述於商頌卷後。至由繪本而旁及詩什又考資餘事耳。

上冊

宋高宗書為和之畫小雅南有嘉魚之什六篇圖跋。此卷為南有嘉魚之什。今僅存嘉魚至菁菁者莪六篇。而闕六月采芑車攻吉日四篇。並闕高

宗標題南有嘉魚之什六字其分什亦從毛傳與
鹿鳴卷同卷後有文徵明跋亦稱止見此六幅則
全卷不知何時散佚然徵明謂其作家士氣兼備
可謂精鑑且可據此以證相合各卷之為和之真
蹟耳卷已登石渠寶笈書舊籤作宋高宗書小雅
六篇馬和之補圖今為釐正題籤其印璽存書之
由詳邨風圖卷中

宋高宗書馬和之畫小雅鴻鴈之什六篇圖跋

右鴻鴈之什圖庭燎下闕沔水鶴鳴祈父三篇我行其野下闕斯干一篇存者凡十之六又以白駒下之黃鳥誤列無羊後因閱和之他卷字畫通絹連次者多此卷乃各自為幅蓋中佚四詩原本已多割裂裒輯者不知深考率付裝贖因致凌舛耳舊入石渠寶笈書時未嘗審核及此今為移正另簽並依邶風卷例其分什之說亦與鹿鳴什同宋高宗書馬和之畫小雅節南山之什圖跋此

節南山什圖與鹿鳴什卷同為完善並依毛傳分什亦石渠寶笈書成後續得者考孫承澤庚子銷夏錄云於朱子美寓見節彼南山十章於李梅公寓見鹿鳴十章今二卷俱先後歸內府承澤又嘗見關雎十章於山西張氏寓名蹟離合有時使關雎卷尚無恙他日或復完北平舊觀而冠學詩堂之笥未可知也

宋高宗書馬和之畫周頌清廟之什圖跋 周頌

凡三什此清廟之什獨存而字畫俱極完善與鹿鳴什圖足為雅頌之冠向入內府鑒藏時尚為冊本茲辨正馬和之真蹟命裝成卷使合奔較然畫一按是什皆形容祭饗之事今閱各圖惟天作寫高山積厚之氣象烈文寫辟公助祭之威儀餘八篇若廟若郊若望重見迭出意易涉複而所繪乃變化不窮於凡廟中對越以昭虔象舞雍容而志美以及牛羊右饗鐘鼓降福郊祀報本巡守戢寨

無不曲盡其致且能傳肅雍昭格陟降奔走之誠
極觀象之能事在和之諸卷中此尤傑出思陵書
復莊雅有度豈亦以清廟明堂禮明樂備非可輒
以輕心掉之耶展卷靜對穆然想見成周邳隆恪
恭基命若此不啻置身於其間倚與盛矣

宋高宗書馬和之畫魯頌三篇圖跋馬和之所
繪魯頌圖與商頌舊為一卷曾入石渠寶笈且誤
題為三頌圖今和之真蹟既已辨訂分明則贖池

之訛亦不宜聽其沿襲爰命工分裝成卷易籤為
魯頌三篇並如邶風例印繼鑑璽以識不改原書
之故按魯頌篇目凡四是圖獨闕泮水篇而閟宮
篇前斷痕宛在不知何時佚去卷有北平孫氏圖
書考孫承澤庚子銷夏錄云宋高宗書毛詩馬和
之補圖所收者凡八章一為魯頌駉一為有駘一
為閟宮其下全列商頌篇名則是承澤收藏時泮
水一篇已失承澤素精考鑑於詩圖之散缺未全

何以置而不論且以魯與商聯綴為一疎略殊甚
焉

宋高宗書馬和之畫商頌圖跋 右商頌圖舊與
魯頌合卷今分為二詳見魯頌卷商頌自杏壇編
詩以來止傳五篇茲幸完備無缺歟此詩圖可謂
難矣且卷中烈祖篇後長發篇前凡兩裂痕而字
畫竟無散佚抑又異矣豈默有丁甲呵護以待今
日之裒輯而成歟終乎審若是則由頌末而上溯

風始安知不類聚神合散者日以還闕者日以續
盡復馬和之真蹟之舊乎然後此之得與否尚不
可知而今日之釐訂彙集至十二卷則已可寶貴
既顏學詩堂記其始末合篋藏之而詳識於此統
計詩圖篇什全者風則陳邠雅則鹿鳴節南二什
頌則周頌清廟什及此商頌凡六卷得詩五十二
篇其圖存而篇什未全者若邶風七鄭風五齊風
六小雅嘉魚鴻鴈之什各六魯頌三亦凡六卷又

得詩三十三篇。夫史遷所言古詩三千餘。今自商
及周三百篇。存者僅十之一。而和之所繪三百篇
圖。自宋以迄於今。存者乃十之三。視尼山詩教所
得參倍。其為愉快。豈直足資多識之助而已哉。
明人臨馬和之畫。名南八篇圖跋。內府舊藏此
名南八篇圖。向以為馬和之真蹟。曾入石渠寶笈
上等。因卷中闕宋高宗所書經文。曾為手書補之。
今訂正和之各卷。其信而可據者凡十二。以此相

較絹素設色筆法俱不類。乃知此為贗鼎。第點染
尚不失馬氏本色。當是好手臨模。和之真蹟既合
篋別藏學詩堂。此卷改籤定為明人臨馬和之畫。
仍付養心殿存弄。其原書則無庸更易。並用石渠
繼鑑。墮以識之。亦如真蹟已入書之邶風各卷例
也。

明人臨馬和之畫。鄘風四篇圖跋。鄘風四篇圖
舊亦入石渠寶笈上等。詩為故大學士張英補書。

曾經故大學士梁清標家藏。今鑒定馬和之真蹟。則此卷絹色筆法迥別。而大致尚相彷彿。蓋亦高手所摹。乃知曩時入書。定為真蹟者。誤也。非特考定入書之誤。即梁清標張英皆號為精鑑者。而一則珍重寶藏。一則書跋謙讓。亦誤也。茲改籤定為明人臨本。仍弄之養心殿。不與學詩堂所藏之馬和之真蹟相混。而存書印璽亦如召南卷例。明人臨馬和之風雅八篇圖跋。此風雅八篇舊

亦題為馬和之畫。今較和之真跡各卷，非惟紙絹不同，且彼筆致飄逸，規仿吳裝。此則與龍眠白描相近。流派亦難牽附。因諦審所畫八篇，為魏風之葛屨伐檀，唐風之綢繆秦風之蒹葭，小雅之鹿鳴鴻鴈，無羊小弁。魏唐秦諸圖未入內府，其果合與否，無可比證。若小雅四篇皆今東輯所有，此卷畫法略具十之一二，其非思溫正本固無可疑。即指為未成藁副，及散落掇拾者，亦非定論。卷後周天

球張鳳翼主穉登諸跋並艷稱之。蓋由未見和之真蹟耳。又考清河書畫舫載此圖。賞其蕭疎小筆。理趣無涯。云是宋末莊夢塘所藏。得自吳原博。尚書家且經石田鑑定。並謂陳仲醇稱其品格高妙。與此筆意殊不類。張丑精於賞鑒。不應踳異若此。疑丑所藏別有善本。此則好手所摹。幀末雖有夢塘印記。篆法亦不精。必係後人偽託。夢塘為宋莊肅字。而此卷係宣德紙。其非宋時之物益審矣。因

定為明人臨本其原書毋庸更定之故亦如召南
諸卷印繼鑑璽以別之仍另藏御書房云款臣

梁國治敬書鈐印二臣治

鑒藏寶璽

全五璽

寶笈三編

梁國治摹蘭亭八柱帖八冊

〔本幅〕紙本。摺裝八冊。皆縱五寸八分。橫六寸四分。首二幅。恭摹。

高宗純皇帝御筆行書

題蘭亭八柱冊

并序
載續編

乾隆己亥暮春之初御筆款。臣梁國治恭摹每

幅隸書標題蘭亭八柱帖第若干冊。楷書標目。第一冊。十一幅。虞世南摹蘭亭序。

御題詩跋後有宋魏昌楊益題名及明宋濂董其昌

王祐徐尚賓張弼將山卿吳治吳國遜吳廷

楊楊明時朱之蕃王衡王制楊鼎勳王應侯

陳繼儒楊嘉祚等題跋俱見續編第二冊十五幅

褚遂良摹蘭亭序

御題詩跋後有范仲淹王堯臣米黻劉涇龔開羅源

王申朱葵羅應龍楊載白珽仇凡舒穆張翥

吳霖張澤之即張程嗣翁陳敬宗及

本朝卞永譽永嶽等題跋。俱見續編第三冊十二幅。

馮承素摹蘭亭序。

御題詩。後有許將。王安禮。黃慶基。朱光裔。李之儀。李

桓。王景通。王景修。張太寧。張保清。馮澤仇。伯

玉。朱光庭。石蒼舒。永陽清叟。趙孟頫。郭天錫。

鮮于樞。鄧文原。王守誠。李廷相。項元汴。文嘉。

等題識。俱見續編第四冊二十九幅。柳公權書蘭

亭詩墨蹟。

御題詩。後有邢天寵。楊希甫。號郡白。益蔡襄。李處益。
孫大年。王易。黃伯思。宋適。王萬慶。王世貞。莫
是龍。文嘉。張鳳翼。及

本朝王鴻緒等題識。俱見續編第五冊十八幅。戲鴻

堂刻柳公權書蘭亭詩原本。

御題詩。已載續編第六冊二十一幅。于敏中補戲鴻堂刻

柳公權書蘭亭詩闕筆。

御題詩。附于敏中恭和詩。俱見續編第七冊三十四幅。董

其昌仿柳公權書蘭亭詩

御題詩識後董其昌有跋鷗天老漁及

本朝高士奇陳元龍張照等題識續編第八冊

二十七幅

御臨董其昌仿柳公權書蘭亭詩并跋續編款臣

梁國治摹鈐印二臣治

冊內分鈐

寶璽避暑山莊八冊乾隆御覽之寶八冊

欽定四庫全書
寶笈三編

關槐畫羣峯積玉 一軸

本幅紙本縱四尺二寸橫二尺一寸設色畫
山水雪景款臣關槐恭畫鈐印二臣槐

軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

五璽

寶笈三編



張季林谷秋容圖一軸

本幅紙本縱三尺五寸。橫九寸一分。設色畫。高峯疊聳。瀑布飛流。松樹楓林。掩映山谷。一人立而眺。童子抱琴遙來自題。林谷秋容圖。己亥十月既望。做六如翁筆意。張季鈴印二。季奇。張季私印。

軸內鈴

高宗純皇帝寶璽。乾隆御覽之寶。

鑒藏寶璽五寶笈三編

收傳印記皆響閣

張演畫山水一冊

本幅十二對幅皆縱一尺一寸六分橫九寸
九分右絹本設色畫一梅壑尋春二桃津喚
渡三雲林游騎四溪橋散牧五蘆汀聞笛六
柳港喧漁七秋晴打穀八風雨歸帆九楓驛
停車十松牕移菊十一林岩對瀑十二雪棧
盤雲款張演敬畫鈐印二張演
印各幅鈐
左幅灑金牋本俱空

冊內鈐

高宗純皇帝寶璽乾隆御覽之寶

鑒藏寶璽

五璽

寶笈三編

錫林畫雪景一卷

本幅絹本縱八寸六分橫六尺設色畫傑閣層巒濃雲著樹一人披氍凝眺款臣錫林恭畫鈐印一錫林

卷內鈐

高宗純皇帝寶璽乾隆御覽之寶

鑒藏寶璽

五璽

寶笈三編

[illegible]

孫祜畫竹谿消夏一軸

本幅絹本縱三尺七寸橫一尺八寸一分設
色畫修竹檀栾綠谿被岡一徑達於山頂臨
溪有閣一人彈琴一坐聽亭中一人與僧奕
一坐觀一竹林下看花款臣孫祜恭畫鈐印
二臣孫祜

軸內分鈐

高宗純皇帝寶璽乾隆御覽之寶乾隆鑑賞

鑑藏寶璽

全五璽

寶笈三編

余省臨劉永年花卉翎毛一卷

本幅絹本縱一尺一寸六分橫一丈一尺六寸五分設色畫雀四兔四丹楓翠竹蘆葉茗花款乾隆六年五月臣余省奉

勅恭臨劉永年筆鈴印二余省


卷內鈴

高宗純皇帝寶璽乾隆御覽之寶

鑒藏寶璽

全五璽

寶笈三編



金廷標畫孟母移居 一軸

本幅紙本縱四尺六寸二分橫三尺七寸設
色畫孟母移居故事款臣金廷標恭繪鈐印
一廷標


軸內分鈐

高宗純皇帝寶璽乾隆御覽之寶乾隆鑑賞

鑑藏寶璽

全五璽

寶笈三編



金廷標竹谿六逸圖 一軸

本幅紙本縱四尺七寸三分橫四尺三寸一分設色畫修竹沿谿紅葉掩映三人坐石拊戰一坐觀泉一袒濯足一撫竹立兩童子持壺晚視以手指醉狀蓋李白孔巢父韓準裴政張叔明陶沔居徂徠山日沈飲故事也款金廷標恭繪鈐印一廷標

軸內分鈐

高宗純皇帝寶璽

五福五代堂古稀天子寶
八徵耄念之寶
乾隆御覽之寶
乾隆鑑賞

鑑藏寶璽

全五璽

寶笈三編

金廷標畫高賢遇隱圖 一軸

本幅紙本縱五尺五寸五分橫二尺淺設色
畫一老翁戴笠耘草一士人朱履巾服倚立
樹下款臣金廷標恭畫鈐印一廷標

軸內分鈐

高宗純皇帝寶璽八徵耄念之寶乾隆御覽之寶乾
隆鑑賞

鑒藏寶璽

金五璽

寶笈三編

[illegible]

金廷標探梅圖 一軸

本幅紙本。縱六尺三寸六分。橫二尺七寸六分。設色畫。石峯疊秀。古柏干霄。山石間梅花初放。一叟拄杖行。旁一人指梅而語。童子倚樹仰視。散榼書卷置於地。款臣金廷標恭繪。鈐印一。廷標。

軸內分鈐

高宗純皇帝寶璽

五福五代堂古稀天子寶八徵耄念之寶乾隆御覽
之寶乾隆鑑賞

鑑藏寶璽

金五璽

寶笈三編

金廷標戲嬰圖

一軸

本幅紙本縱二尺三寸二分橫三尺五寸設
色畫樂具紛陳羣兒騎竹馬角武為戲款臣
金廷標恭繪鈐印一恭畫


軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

金五璽

寶笈三編



金廷標畫歸猿洞故事一軸

本幅紙本縱六尺橫三尺設色畫山中羣猿
緣樹而下一婦題詩石壁一老僧手持玉環
注視其側款臣金廷標敬繪鈐印一廷標
軸內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽

寶笈三編

謹案蘇軾峽山寺詩自注傳奇所記孫恪表
氏事即此寺傳奇廣德中有孫恪者遊洛中

遇素氏女納為室。後十餘年同至峽山寺。素氏欣然改服。理簪詣老僧。持一碧玉環獻僧。僧曰。此是院舊物。僧初不曉。及齋罷。有野猿數十。悲嘯捫蘿而踞。素氏惻然。俄命筆題詩云。無端變化幾湮沈。剛被恩情役此心。不如遂伴歸山去。長嘯一聲烟霧深。詩畢。裂衣化為老猿。追嘯者躍樹而去。老僧方悟曰。乃貧道為沙門時所養者。碧玉環則胡人所施。繫於其頸者。此軸蓋圖其事。

金廷標畫名花春慶一軸

本幅紙本縱四尺四寸六分橫二尺六寸七分設色畫一人坐竹榻手執萬年青子一侍女抱嬰孩接取之一捧瓶一捧盤貯石榴梅竹環蔭面列盆花蘭水仙菖蒲天竹各種長春花傍石而開款臣金廷標恭畫鈐印二臣廷標

軸內分鈐

高宗純皇帝寶璽乾隆御覽之寶乾隆鑑賞

鑑藏寶璽

全五璽

寶笈三編

金廷標畫護花壽石 一軸

本幅紙本縱二尺九寸六分橫二尺七寸五分設色畫金護數株疊以文石款臣金廷標恭寫鈐印一廷標

軸內分鈐

高宗純皇帝寶璽

五福五代堂古稀天子寶八徵耄念之寶乾隆御覽之寶乾隆鑑賞

鑒藏寶璽

全五璽

寶笈三編

張雨森仿歷代名人畫 一冊

本幅絹本十六對幅皆縱九寸六分橫一尺一寸五分右幅設色畫各題舊詩句並識一
金勒馬嘶芳草地玉樓人醉杏花天做趙伯
駒法二山重水複疑無路柳暗花明又一村
做王叔明法三迢迢綠樹江天遠靄靄紅霞
海日晴做李龍眠法四雲裏帝城雙鳳闕雨
中春樹萬人家做趙大年法五漠漠水田飛

白鷺陰陰夏木轉黃鸝做盛子昭法六雲中
樹色千花滿竹裏泉聲百道飛做范中立法
七長江鏡面秋磨淨雙峽蛾眉晚畫濃做文
五峯法八露和玉屑金盤冷月射珠光貝闕
寒做趙千里法九閉戶著書多歲月種松皆
作老龍鱗做郭河陽法十古木淡烟殘月曉
落花疎雨暮春時做李希古法十一樵客出
來山帶雨漁舟過去水生風做吳仲圭法十

二石出倒聽楓葉下。櫓搖背指菊花開。做許
道寧法十三。沙村好處多逢寺。山葉紅時絕
勝春。做謝樗仙法十四。泉流灶上山懸突。雲
出家邊樹擁垣。做沈石田法十五。百畝野梅
留鶴跡。千尋古木向簷陰。做唐子華法十六。
雲近蓬萊常五色。雪殘鴉鵲已多時。做燕文
貴法款。臣張雨森恭畫。鈴印二。雨森左幅空。

冊內鈴

高宗純皇帝寶璽乾隆御覽之寶

鑑藏寶璽

全五璽

寶笈三編

郎世寧畫花卉 一冊

本幅十六對幅。右絹本。左灑金牋本。皆縱一尺四分。橫八寸七分。右幅設色畫。牡丹二。桃花三。芍藥四。海棠。玉蘭。五。虞美人。蝴蝶花。六。黃刺藤。魚兒牡丹。七。石竹。八。櫻桃。九。罌粟。十。紫白丁香。十一。百合花。纏枝牡丹。十二。翠竹。牽牛。十三。荷花。慈姑花。十四。豆花。稷穗。十五。雞冠花。十六。菊花。各幅間點綴以巨石翎

毛雜草款。臣郎世寧恭畫鈐印一。臣世寧左幅空。

冊內鈐

高宗純皇帝寶璽。乾隆御覽之寶。

鑑藏寶璽

全五璽

寶笈三編

郎世寧畫松石仙禽 一軸

本幅絹本。縱六尺。橫三尺六寸三分。設色畫。巨石凝碧。喬松攢青。靈芝叢生。馴鶴伴立。款。臣郎世寧恭繪。鈐印二世寧恭繪。


軸內分鈐

高宗純皇帝寶璽。乾隆御覽之寶。乾隆鑑賞。

鑑藏寶璽

全五璽

寶笈三編



艾啟蒙畫雙猿一軸


本幅紙本縱四尺三寸橫三尺一寸四分設
色畫雙松垂蔭雜花競放一猿傍石而蹲一
猿獻松子款臣艾啟蒙恭畫鈐印二恭畫
軸內分鈐

高宗純皇帝寶璽乾隆御覽之寶乾隆鑑賞

鑑藏寶璽

全五璽

寶笈三編



釋成衡西淀紀

恩圖

一卷

本幅紙本縱九寸五分橫一丈一尺六寸設色畫。淀津春景。士民雲集歡迎。

御艦款康熙五十八年二月初六日恭遇

皇上駕幸西淀之玻璃口。臣僧成衡具小舟跪伏迎

接即蒙

召見行宮。臣何人斯膺茲殊寵謹寫西淀紀

恩圖以志不忘其間草木之向榮老稚之踊躍風和
日麗水秀波平固非尺幅之所能傳其萬一
也康熙五十九年二月十三日恭進

聖覽鈐印二臣僧成衡書畫記

鑒藏寶璽

五璽

寶笈三編

鴿譜 一冊

本幅紙本二十二對幅皆縱一尺二寸八分
橫一尺二寸六分設色畫鴿譜各有籤題鴿
名一黃蛺蝶二踰銀盤黑雀花二纏絲班子銀
尾瓦灰三金尾鳳四平四紫蛺蝶官白五白
膽大黑膽大六醉西施鳳頭珠眼七玉麒麟
紫蛺蝶八玉環繡毬番九火輪風喬金剪十
紫雪嘉興班十一黑鶴秀紫靴頭十二紫雀

花藍鶴秀十三合璧紫肩十四鐵臂將黑靴
頭十五黑雀花走馬番十六串子點子十七
倒插金襠銀褲十八白蛺蝶日月眼十九黑
插花藍蛺蝶二十紫鶴秀鷄眼鶴袖二十一
喘氣揸尾銀楞二十二虎頭雕蹠銀盤玉翅
無款印

鑒藏寶璽

全五璽

寶笈三編

荷蘭國人役馬牛圖 一軸

本幅絹本。縱六尺四寸五分。橫五尺。設色畫。荷蘭國人役八馬四牛。四各有楷書標識。人高伍尺玖寸。菊花青馬高四尺柒寸。長陸尺貳寸。人高伍尺捌寸。青牛高貳尺玖寸。長肆尺叁寸。人高伍尺捌寸。菊花青馬高肆尺伍寸。長伍尺捌寸。人高伍尺玖寸。青牛高二尺柒寸。長肆尺壹寸。人高伍尺玖寸。黑青馬高

肆尺捌寸。長陸尺叁寸。人高伍尺捌寸。青牛
高貳尺陸寸。長肆尺壹寸。人高伍尺捌寸。棗
騮馬高肆尺陸寸。長陸尺貳寸。人高伍尺玖
寸。青牛高貳尺捌寸。長肆尺貳寸。無款印。

玉池題識

康熙陸年伍月初壹日。荷蘭國

進到馬肆匹。牛四隻。本年陸月初伍日。奉

旨著將進到馬牛。并捧馬牛人役。畫圖樣呈覽。欽此。

該內工部於本月初捌日開工畫起至杳月
叁拾日畫完謹將畫完圖樣恭呈

御覽

鑒藏寶璽

全五璽

寶笈三編

[illegible]

無名氏畫長崎貿易圖 一冊

本幅八對幅皆縱一尺一寸橫八寸七分右

畫幅絹本設色畫長崎貿易圖左書幅黃箋


本各書貿易事畧有起貨南京寺丟票王取貨開漆器店出貨唱戲看

會諸標識
文俚不錄

鑒藏寶璽

全五璽

寶笈三編



無名氏臨王淵花鳥一軸

本幅絹本縱五尺橫二尺六寸設色畫佛桑


一株蒼鵲翔集無款印

鑒藏寶璽

五璽

寶笈三編

收傳印記宋氏穉佳書畫庫記




無名氏畫福祿壽一軸

本幅絹本縱四尺五寸六分橫一尺九寸六分
設色畫仙童乘鹿手執蟠桃仰視飛蝠無
款印

鑒藏寶璽

全五璽
寶笈三編

收傳印記
真賞項墨林父祕笈之印



趙用賢趙士春姚希孟尺牘 一冊

本幅紙本二十二幅第一第二第三對幅裝
皆縱八寸二分通橫二尺七寸行書差人以
仲冬七日始還得接手教承佳紬之惠且聞
起居清勝喜不自勝弟去志定決親家累書
敦諭弟非不能領教但其中有必不可留之
勢文謂徒見崖異愈起人疑要為彼家全體
面見留之語耳即如太倉回書盛言弟之南

出於求。且引王麟洲累書為證。王書弟之有
無不可必。但弟自其存日。亦頗有書往還。其
向相公意甚篤。弟未嘗有一言及遷轉事。今
忽加此語。却忘自己欲全信一句。弟昨年時
別徐少宰。曾豫道過。不認求字。陳少淮亦知
之。以此相加。其頃刻計較不忘。反覆無涯。終
受其害耳。文謂有人刺促。弟自斷久矣。出處
大計。豈人所能刺促。且亦何人刺促於弟。終

屬隔靴搔癢也。昨因盜庫事具疏請罪。或因
此一處分。大省詞說。今上本餘廿日。猶未得
消息。不知何故。若萬一不及。尚須一出。冬盡
或正月初。當再具疏請得決去。弟年逾五十
學問猶未成章。碌碌虛日。近來一病若遂不
起。豈復能有此歲月也。故一意欲歸讀書課
子。聊畢一生。且欲以餘力整頓舊聞。討性分
着實做一番。必當有所得。他日吾丈官歸藉

手以見不勝今日千百倍哉大抵自外邊度弟不足謂知弟之深至謂弟畏羣譁而求息影尤千里矣會典價甚高豈丈所能辦乞示價來約略用幾許道澈兄已定於臘月初六日北行此時束裝已畢尊夫人附其舟以行矣于丈姻事近繆慕臺有書至及此弟極言語之大都今日凡為弟友者俱似不便矧締姻耶弟之力惟丈深知道遠數百里即往來

盤費亦足困人。故不敢輕以許。又以七小女
尚未出痘。亦不敢誤人。于丈酌量不自苦。亦
不苦弟。惟丈命之耳。偶黃司務北發。附此奉
復。不盡不盡。仲冬十八日。弟用賢頓首。外儀
狀一通。左餘鈐印。一用賢幅末錢載題詠黨
論終明代。端由抗疏。餘身真三黜去。里又幾
年。居息影。非中抱尋源。只故書所難。君子節
還教後人。如乾隆丁丑七月十九日。錢載題。

鈐印二錢載一重第四對幅裝縱八寸五分通
橫七寸二分行書昨者走叩知台駕有錫山
之行未罄鄙衷歉歉辱示京中傳聞令人駭
極而歎容抄過繳上先此謝教不盡不孝士
春再稽顙左冲幅末錢載題記趙文毅公孫
字景之第三人及第授編修疏論楊武陵奪
情祖孫繼軌士論重之明史附傳錢載記乙
亥七月十一日鈐印二鐸石齋錢載第五第

六第七第八第九第十對幅裝皆縱七寸六分橫四寸三分行書明史本傳趙用賢字汝師常熟人父承謙廣東參議用賢舉隆慶五年進士選庶吉士萬厯初授檢討張居正父喪奪情用賢抗疏曰臣竊怪居正能以君臣之義效忠於數年不能以父子之情少盡於一日臣又竊怪居正之勲望積以數年而陛下忽敗之一旦莫若如先朝楊溥李賢故事

聽其暫還守制刻期赴闕庶父子音容乖睽
阻絕於十有九年者得區區稍伸其痛於臨
穴憑棺之一慟也國家設臺諫以司法紀任
糾繩乃今曉曉為輔臣請留背公議而徇私
情蔑至性而創異論臣愚竊懼士氣之日靡
國是之日消也疏入與吳中行等同杖除名
用賢體素肥肉潰落如掌其妻腊而藏之用
賢有女許御史吳之彥子鎮之彥懼及深結

居正得巡撫福建過里門不為用賢禮且坐鎮於其第下曰婢子也以激用賢用賢怒已察知其受居正黨王篆指遂反幣告絕之彥大喜居正死之明年用賢復故官進右贊善江東之李植輩爭嚮之物望皆屬焉而用賢性剛負氣傲物數訾議大臣得失申時行許國等忌之會植東之攻時行國遂力詆植東之而陰斥用賢中行謂昔之專恣在權貴今

乃在下僚。昔顛倒是非在小人。今乃在君子。
意氣感激偶成一二事。遂自負不世之節。號
召浮薄喜事之人。黨同伐異。罔上行私。其風
不可長。於是用賢抗辨。求去極言。朋黨之說。
小人以之去。君子空人國。詞甚憤激。帝不聽。
其去黨論之興。遂自此始。尋充經筵講官。再
遷右庶子。改南京祭酒。薦舉人王之士鄧元
錫。劉元卿。清修積學。又請建儲。宥言官李沂。

罪居三年擢南京禮部右侍郎以吏部郎中
趙南星薦改北部尋以本官教習庶吉士二
十一年王錫爵復入內閣初用賢徙南中行
思孝植東之已前貶或罷去故執政安之及
是用賢復以爭三王並封語侵錫爵為所銜
會改吏部左侍郎與文選郎顧憲成辯論人
才羣情益附錫爵不便也用賢故所絕婚吳
之彥者錫爵里人時以僉事論罷使其子鎮

許用賢論財逐婿蔑法棄倫用賢疏辨乞休
詔禮官平議尚書羅萬化以之彥其門生引
嫌力辭錫爵乃上議曰用賢輕絕之彥緩發
均失也今趙女已嫁難問初盟吳男未婚無
容反坐欲折其衷宜聽用賢引疾而曲貸之
彥詔從之用賢遂免歸戶部郎中楊應宿鄭
材復力詆用賢請據律行法都御史李世達
侍郎李楨疏直用賢斥兩人讒諂遂為所攻

高攀龍吳宏濟譚一召孫繼有安希范輩皆
坐論救褫職自是朋黨論益熾中行用賢植
東之創於前元標南星憲成攀龍繼之言事
者益裁量執政執政日與枝拄水火薄射訖
於明亡云用賢長身聳肩議論風發有經濟
大畧蘇松嘉湖諸府財賦敵天下半民生坐
困用賢官庶子時與進士袁黃商榷數十晝
夜條十四事上之時行錫爵以為吳人不當

言吳事調旨切責寢不行家居四年卒天啟
初贈太子少保禮部尚書謚文毅孫士春士
錦崇正十年同舉進士士春字景之第三人
及第授編修明年兵部尚書楊嗣昌奪情視
事未幾入閣少詹事黃道周劾之下獄士春
上疏曰嗣昌墨練視事既已罔效陛下簡入
綸扉自應力辭新命乃閱其奏牘徒計歲月
久近間絕無哀痛惻怛之念何奸悖一至此

也。陛下破格奪情曰：人才不足故耳。不知人才所以不振，正由愛功名、薄忠孝致之。且無事不講儲材，有事輕言破格，非用人無弊之道也。臣祖用賢首論，故相奪情，幾斃杖下。腊敗肉示子孫，臣敢背家學，負明主，坐視綱常掃地哉！帝怒，謫廣東布政司照磨。祖孫並以攻執政奪情，士論重之。後復故官，終左中允。

乾隆丁丑十二月九日，錢載錄鈐印。二錢載。

穉石齋第十一第十二第十三對幅裝皆縱

七寸九分通橫二尺八寸行書自武邱夜話

嗣此不及晤別出處異同在俗人必不能遣
懷而吾師總以幻泡視之豁然自得了無所
累蓋吾師自南歸後襟期日勝全不著挫折
兩字於胸中而益歎夫子之不可及也抵京
後有相知見訊者率以此應之皆忻慰無已
獨天道之巧凌提督名應登者於元日袖鐵

椎擊凌存莪於闕門之下。幾殞其軀。冠裳毀裂。流血被體。受人間莫大之辱。朝常國體為之挫損。而縉紳間議論大半不直存莪。以其始結之而今遽訐之。且其登科錄兄弟之分。與其親筆書首尾相連之事。不可掩也。吾師宅心平恕。恩怨兩忘。而冥冥中自有撥算盤者。險巇世路。非賊人乃自賊耳。楚中劉兄之事已結。疏中復牽及前案。而吾師三科之說。

始人人知之至下科或有生機似不必望壬戌也惟是東林兩字京師中以為亂臣賊子之別號方長必折其端倪已見處今之世惟有潛蹤卷舌自處於無過之地而以成敗利鈍付之造物而已不肖與家舅及德升兄各對宅鄰居昕夕聚晤殊不落寞謬以文章射覆竊意申維烈乃丙辰榜中之一人也京師近寒異常雖老於都中者以為前此未有猶

憶吾師癸丑之冬每苦足冷終日擁被倚榻而坐南中嚴冷定減於北奔走於驢灰馬糞中者未必人人取一進賢冠省此一番勞費避此一番寒威安知非天之所以厚夫子也念吾師切者為繆當時孫初陽初陽今年光景亦可作長安客矣想吾師之所欲聞胸中所欲言者頗多即京師新聞亦頗多而炙筆作字不能縷悉知吾師素不耐作書倘不肖

久於此。惟不惜惠一教音也。新正穀旦。弟子
希孟百頓首。尊師大人。函文前。沖鈐印一姚。
希孟印。第十四。第十五。第十六。摺裝。皆縱八
寸七分。通橫三尺二寸四分。行書。前有一書。
并薄俸相寄。定不浮沈。都中大勢。似覺清明。
而捲土伏戎。所在見告。所號為君子者。有朝
氣而乏老謀。又苦無鼓舞招徠之術。疑城一
起。隔面重山。觀其作法。頗與甲子年繆魏諸

公相似大可慮也。尤苦者政府仁氣多而靈氣少。上不能固結主眷。而下又不能聯屬人情。即溫錢一事。既以密揭取恨於溫。幾至操戈而牧齋之恨亦不減於溫。吾師試與之談自見已。周挹齋稍為羈絆。亦是一說。而諸君子斷斷不可。然獨召之舉。徑實顯然。亦不能救藥矣。冢卿挾聖眷。首薦高史。袁為翻案之端。溫則詩冊已到。毫無去志。二人既與周鼎

峙而吾鄉少司馬亦附會其間總之此之所
攻彼之所收此都門近局也回道人耽耽伺
釁固然無足怪或言其疑拾遺逆案二事為
不肖中傷至出揭自明嗟嗟何其愚也此人
亦微有可用之才不肖嘗言之但毫無見識
如向年攜高案之手而入稅署自取其辱不
肖嘗面笑之彼頰首頰赤即不弔之事尤愚
之甚者正如來說為可憐愍也何恨焉恨則

恨其以庸受挑毛撫激成蓼洲之禍不肖雖
奉吾師之命而於子佩疏中實不能隱隱則
無以見蓼洲於地下然如是止矣暗中飛矢
賢者不為不肖尤不為彼若嘒嘒又愚之愚
矣果有揭不肖當貽之一書布告天下幸吾
師先致意焉子襄念吾師甚切是其可取處
而是非全不明與之言質質也近且以昵於
冢卿大不滿於公論非不肖在此且蒙詬去

矣。書儀乃兩月前所寄。無的當。便郵不能致。今以付公鳴。不肖在此。以啟沃兼代言。二事甚為煩苦。求脫身暫歸。不得。典兒於九十月間附陸衷涵歸也。二哥及令孫聞學業大進。甚慰吾師體中佳否。欲言萬千。紙盡不及中。秋三日。弟子希孟百頓首。此柬付昌兒一看之。鈐印一。姚希孟第十七第十八摺裝皆縱九寸。通橫一尺九寸三分。行書半月前得吾。

師到京信甚慰。欲趨德升就道。隨將尊札致之。然德升意久決。非吾輩所能說。實亦不欲深說也。使天下有一依親不出之孝廉。顧不重耶。臘底有一書寄徐九一者。曾到否。前此寄仲弢年兄書。何日始達。書中頗有所商。不知敝門人輩亦稍為料理否。聖主當陽。而舊局轉固。為胡太學一疏。推敲及於家舅。及項仲昭疏上。又有文某等已奉旨起用之批。總

不可解。然彼中破綻甚多。如臺楊殿臣公。殿
臣廉等語。與省楊薦曹欽程頌鎮守內臣等
疏。歷歷具在。不可以掩天下之目。只消明眼
人。輕輕點破。則聖心自動。吾師場後所相晤
者。定不乏人。不妨稍稍提綴之。敝門人在郎
署者四人。自去冬子襄一書外。其他無隻字
見及。唐興公家郵往來。吳門豈為迂道。陸氏
一莊。何俟他日。亦可笑也。便間微示之。葉父

母過吳。不肖正在墓所營葬。不得一晤。隨作書遣急足追至一二程。以二兄事托之。不及而返。此亦有數存乎其間。兩番試義。亦尚在得失之介。其他所委。已覓得一人矣。茲起田兄便。附此。正月十四日。弟子希孟百頓。鈴印一。姚希孟印。第十九。第二十。對幅裝。皆縱八寸一分。通橫一尺八寸四分。行書。手教。累頒已悉。近况家舅至。言之更詳。大都固貧是吾

師素節雖賢令惓惓之雅豈以此自失其鼎
但積雪高卧拾橡充飢種種獨行古人能而
今人不能况剝啄不斷盤飧共客内外孫及
孫女連手繞膝豈獨無梨棗之費耶宛轉踟
躕欲代畫一策而不可得庶幾出門遠游可
免汨耳累心張子襄給假歸欲迎吾師到中
州棲遲數月此於明歲北上為便又恐飲食
起居不甚適易生客况須先請命而後圖之

也。不肖近日不止一轉。即成均虛席以待而承乏講筵。身在日月之際。未敢言離。但長安非久居之地。即世事清明。亦當如白雲來往。此侯木菴倪玉汝所以相率而南也。蓼兄身後之典差備。惟建祠畢竟有待。因皇上邇來事事欲從節省。至既入之職。更不便於請矣。聞二哥見知於宋父母。甚快。別諭或相機圖之。未便起爐作竈也。海虞事亦將結矣。俸資

四兩聊將遠懷幸鑒入弟子希孟百頓首夜
半作書潦草為媿鈴印一姚希孟第二十一
第二十二對幅裝皆縱七寸一分橫四寸三
分行書明史本傳姚希孟字孟長吳縣人生
十月而孤母文氏勵志鞠之稍長與舅文震
孟同學並負時名舉萬厯四十七年進士改
庶吉士座主韓爌館師劉一燝器之兩人並
執政遇大事多所咨決天啟初震孟亦取上

第八翰林甥舅並持清議望益重尋請假歸
四年冬還朝趙南星高攀龍等悉去位黨禍
大作希孟鬱鬱不得志其明年以母喪歸甫
出都給事中楊所修劾其為繆昌期死黨遂
削籍魏忠賢敗其黨倪文煥懼誅使使持厚
賄求解希孟執而鳴之官崇正元年起左贊
善歷右庶子為日講官三年秋與諭德姚明
恭主順天鄉試有武生二人冒籍中式給事

中王猷論之。遂獲譴。希孟雅為東林所推。韓
爌等定逆案。叅其議。羣小惡希孟。謀先之。及
華允誠劾溫體仁。閔洪學兩人疑疏出希孟
手。體仁遂借冒籍事脩隙。擬旨覆試黜兩生。
下所司論考官罪。擬停俸半年。體仁意未懌。
令再擬。希孟時已遷詹事。乃貶二秩為少詹
事。掌南京翰林院。尋移疾歸。家居二年卒。乾
隆丁丑十二月十日。錢載錄鈐印。二擇石齋。

錢載

冊內分鈐

高宗純皇帝寶璽乾隆御覽之寶乾隆鑑賞

鑒藏寶璽

全五璽寶笈三編

收傳印記退密

謹案用賢等三人事蹟已詳錢載所錄明史
本傳中希孟後贈禮部右侍郎謚文毅太倉
謂王錫爵麟洲王世懋號道澈辰溪字澈常
熟人大學士納子以蔭仕至郎武知府凌存
我名漢卿長洲人萬曆甲辰進士歷官御史
德升朱陸宣字陸宣吳縣人萬曆壬子舉人

申維烈。名紹芳，吳縣人，尚書用懋子。萬曆丙辰進士，歷官戶部右侍郎、公鳴。蔣鎮字鎮長，洲人。萬曆己酉舉人，歷官保定同知。宋典字文初，崇禎壬午舉人，宗昌字瑞初，諸生。皆希孟子。項仲昭，名煒，吳縣人，天啟乙丑進士，歷官少詹事。以上八人，俱見蘇州府志。楊武陵，即楊嗣昌。繆當時，名昌期，江陰人。萬曆癸丑進士，歷官誼德贈詹事。誼文貞，琴洲人。周順昌，字景文，吳縣人。萬曆癸丑進士，歷官吏部員外郎，贈太常卿。誼忠介子茂蘭，字子佩，崇禎初，刺血書疏訟父冤，不受陰，以隱居終。徐九一，名沂，長洲人。崇禎戊辰進士，授檢討。福王時，官少詹事。明亡，赴水死。起田，翟式，鄞人。式，鄞常熟人。萬曆丙辰進士，唐王時為文淵閣大學士。誼文忠，倪五汝，名元瑞，上虞人。天啟壬戌進士，授編修，以忤逆璫歸。後官戶部。

尚書兼禮部尚書翰林學士明末殉節謚文
正定謚文貞以上六人明史皆有傳孫初陽
名元化蘇州嘉定人萬歷壬子舉人歷官都
御史巡撫登萊見明詩綜小傳周挹齋即周
廷儒家卿謂王永光高史表謂御史高捷史
堃乘宏勛皆奄黨少司馬即中用懋時為兵
部右侍郎回道人名謂奄黨呂純如嘗官福建
副使高寀稅監名即為順昌捕治而刳質純
如者毛撫謂毛一鷺張子襄名元佐祥符人
開封志云天啟乙丑進士歷官侍郎未載其
字以希孟集攷之知即其人陸東涵名康稷
吳縣人萬歷丙辰進士歷官吏部員外郎見
吳縣志一云秀水人見嘉興府志唐興公名
昌世華亭人天啟乙丑進士歷官工部員外
郎見松江府志侯本菴名恪字若木商邱人
萬歷己未進士歷官南國子祭酒見歸德府

志。希孟文集。

明人尺牘二冊

本幅紙本二冊集明人尺牘二十二通

上冊十二幅第一幅縱七寸六分橫七寸六分
分行書前得足下手書具仞垂念之厚感刻
不可言僕比且行矣念欲與足下晤言遂有
飛龍羽翼之感如何如何佳扇佳紙并書以
付從者不能須足下歸故留於元亭耳冗率
裁書有懷菀結生名正具冲第二幅縱八寸

九分橫七寸八分行書自與門下於三雨衙
齋一別亦不知有九年之遙去年春間一晤
三雨承其眷眷並未能通一札可知僕之拙
也茲承教言惓惓褒獎過情非所敢當僕豈
真避世也者第畏塗如火不敢冒昧妄行耳
屬有寫經之忙匆匆奉和高韻佳篇滿卷恐
羞澀不堪供一笑奈何奈何教之教之數歲
前見有刻毛詩古音諸書聞在焦宅倘有便

覓得數冊見惠感激無量時事東西倥傯而
青徐之間有報白蓮之賊不知如何消遣恐
當事者別無奇策也老大處陪都必有見聞
梅雨不下秧田枯旱眼前之憂也諸不能盡
統伺德音六月初九日名正具第三第四幅
皆縱八寸八分通橫一尺五寸六分行書別
我燕貽不覺蟾蜍十六更矣掌大未通真是
癖逾嵇懶即燕貽知我亦當訝疏節之太甚

也。近來酒腸詩腕想更標舉興會如此炎酷。知我燕貽定科頭閉戶作羲黃以上人。詞流蔗境到此方是真實受用。何必僕僕車馬仰鼻息於要人。反短蒯緱之色也。第一麾外吏借此得以闢出勞怨場中更喜梁父祖來帶水可度。往時誦子輿小魯小天下二語。輒有翱翔寥廓之思。今幸為岱宗主人。絕是生平一快。異日燕貽能單車過訪。弟當招曼倩於

平原揖于鱗於濟上譚諧歌嘯以佐酒狂何
如杖頭貳金雪釀四蟬聊寄相憶惟莞存是
荷令坦不及另柬為道欣忤弟名正具沖鈐
印一啟事半第五幅縱七寸八分橫六寸七
分行書足下力行古道而又發菩提心宏演
佛法併不作籠鶯故事高爽清淨加王逸少
一等矣不佞聞之不勝擊節卜畫至再未得
一懽殊為缺然俟墨妙圓滿之日另戒桑落

潤不律也。然歆海、中臨池將無揮汗如雨乎？
此復不既。沖第六幅縱八寸，橫五寸二分。行
書。昨承顧失迎，更辱寵召，極荷雅情。第臨行
既冗且病，諸見召者概懇辭矣。未敢異同。謹
此辭謝。幸心亮不盡。名具正。沖題識于文若
報章。鈐印二。孫謀之印。孫燕貽氏。第七幅縱
八寸八分，橫五寸一分。行書。至華山五日而
返。返則遍體作楚，乃知此身衰極矣。金先生

高士辱筆筒之賜拜登甚愧文字二十二日
方能奉上謹復五城老親翁弟祥再頓首第
八第九幅皆縱九寸通橫一尺六寸行書睽
教踰年修候踈闊而兩承台翰之布家君北
來復蒙盛饒愧感集中何可名狀至於老年
伯榮令巴西弟屬在子姪竟缺一介馳賀則
又擢髮莫數之愆也伏審年丈孝履清淑大
業懋新禪吉非遙勸駕伊邇來春大物掇取

如攜同籍籍光可勝厚幸弟司庾匝歲日坐
糠粃雖獲追戾無長可稱不足為知己道也
至於馬背消髀風沙瘴目清華冗俗彼此同
之行將與年丈共嘗此趣不敢言苦樂也默
所美涵時時見過每共馳憶燕市燈月之夕
當得同一潦倒耳晤對不遙言弗備悉弟嘉
慶再頓首冲鈐印一嘉慶第十幅縱九寸三
分橫六寸八分行書仁兄儼然冠進賢極為

吾輩生色容課一詩以賀來扇當於三日內
課上今尚未理筆研也帶來煮酒酸如醋不
堪奉送奈何仁兄倘過當沽玉蘭釀以醉兄
耳天晴可步亦須待月初新月如鉤時見顧
為妙弟今尚苦酬應未了小弟元素頓首五
城仁兄先生教下第十一幅縱八寸八分橫
六寸六分行書挈榼垂顧深感情至示詩何
藻麗之極而獎與之過也鄙人何以當之愧

感愧感將行頗為筆札所困實不能而強作
解事自詒伊戚奈何奈何於文則不敢惜或
有以復耳承佳筆之惠并謝不一賤名另具
題識陳元凱小啟鈐印一孫謀私印第十二
幅縱六寸一分橫九寸一分行書二圖俱有
筆仗正不以拘拘形似為工謝謝前謝魏二
兄亦為圖矣互有得失不能全瑜乃知此道
雖復小技亦自有至理也數日來病始愈方

出應酬。遂無片晷之暇。佳紙并七咏。恐不能
即致上。或舟中。或少閒斷。不至相負也。嘉貺
璧完。容謝不盡。

下冊十四幅。第一幅縱七寸八分。橫八寸九
分。行書。費學士行前為言。足下美才。心竊向
慕。比蒙枉辱。適陪遠客飯。未及倒屣。罪不可
言。湖中接手書。知行色已迫。握手未卜何日
矣。來扇二敬書上。詩字俱拙。知不足一笑也。

不盡賤名正具冲題識馮開之復言鈴印一
孫子第二第三幅皆縱七寸通橫一尺六寸
行書於敝同年元度兄座上領丈言論風旨
慰生平荊州之想乃元度主壇雨中匡時宏
業而不佞已屏伏巖谷矣有元度在不佞自
不能晦然列子力命篇披誦久矣承丈不以
閤疏見遺眷焉慰存而瑤草明珠爛然俱集
自維拙蹇何足方比茂吾開之諸公而得此

於門下也。金剛般若。勉書一分。以當砂礫雲。
棲師方堅維摩之卧。未得啟訊。又巧值不佞。
病癒。即李公致書枉顧。未得一裁答。故不能。
為丈。遍覓名筆也。五言聯書上。七言者與七。
咏亦坐病未能。兩扇雄章。未能報酬。薄物不。
能答來美。伏枕強起作書。元度處亦不及作。
書致之耳。九月廿六。亨又頓首。鈴印二黃汝。
亨印。
半印。

第四幅縱九寸橫八寸八分行書

草土荒迷。屢承慰言。兼荷佳篇。祇有銜戢所
委。佳集序已浼孟郁兄。俾不孝以澤麋蒙虎
之革。竊附不朽。不孝苦塊中。不能復親研席。
必俟禔除。乃可操觚也。暫謝不一。不孝名正
具。沖第五幅。縱八寸二分。橫一尺八分。行書。
渥承雅教。深慰翹注。第修途重勤。玉趾兼多。
簡賓從。至今為之竦仄耳。辱惠玫瑰太多。感
珍無量。家人耀首充腹。不敢忘明德也。吳門

之後顧兄以事未能副行此兄曠達原不關
人間常禮常俗吳門非另具一隻眼安能容
之種種容面盡并謝五城詞丈侍史生起元
頓首沖第六幅縱八寸八分橫五寸五分行
書辱手札相慰感佩不可言碑中江南字是
抄謄誤耳原作江西南昌新建也僕嘗謂作
金石文其官名地名不宜用古名恐誤後之
讀者鄙文不足垂後專藉文妙筆也刻成有

榻本幸以一示我何如草草附謝未盡功服
生起元頓首冲第七幅縱八寸五分橫五寸
行書承枉顧失迎罪甚輶甫相晤備述文往
來之概可勝浣慰暑氣數日來覺稍開更得
微雨敢望過我一劇談不盡竑頓首廿八日
行第八幅縱八寸三分橫七寸二分行書日
作牛馬走不勝狗馬病矣正欲入山求一兩
日息肩拜手教及扇頭詩並堪當七發也還

家請過齋頭看僕作塗鴉伎倆。腕雖弱。豈為
孫先生惜哉。足下乃疑僕床頭有捉刀人。敢
不自揭以謝嘉惠。并尊帖奉反。搞及所養。尤
非足下所宜。未敢聞命。穉登頓首再拜。建侯
先生詞盟第九。第十幅縱九寸一分。通橫一
尺一寸。行楷書。筆工沈子良。貴至手教。率爾
裁復。乃客歲仲冬。不知竟達左右否。春初老
父思歸。既而中止。遂遲通候。懸仰之衷。與日

俱積也。考案至見文與社中諸文。共慶彙征。
時泉文獨不與。令人扼腕。不審續考終作何
似。吾丈今秋當必首解無疑。惟望多挈同志。
早脂燕車。令北道主人亟獲抵掌為歡耳。武
定橋頭舊約。弟時刻盟心。願丈勿相忘也。使
還附此上候興居。并荊請疎闊之辜。外具沈
速二伯領絹二方。伴緘仰祈揮頓。嘉會在冬。
底面罄欲言。此不能悉。右上允吉。社伯契兄。

侍史春社弟朱之蕃頓首拜鈐印一朱之蕃
印第十一幅縱八寸七分橫三寸五分行書
日來飲食頓廢服散若投水惟有東林西寺
時時出游作避客計耳名篇屢辱無能仰報
奈何承索拙言容勉力塞命辭登頓首建侯
詞丈先生門下左長第十二幅縱八寸八分
橫四寸八分行書昨辱垂顧正思投報忽翰
示知尊意矣容置書以復意又具左長第十

三幅縱八寸九分橫四寸六分許書畢金陵
得畏友如兄者無二乃碌碌其蹤不能時相
從也顧道義深盟已自決形骸外耳殆弟以
句自是爾雅感佩可知當在草草體小弟遵
頓首五城先生道契下第十四幅縱九寸一
分橫七寸二分行書書十九首者多矣以枝
山為三履言者為最今已刻停雲館帖中足
下聚族之夜而欲不安以狗尾續耶延書案

命莫百谷先生禮并輓章二月初早付以便
東之裝中定不致浮沈也對雨草復不盡春
弟沈天啟頓首復五城老親家先生詞伯

冊內鈐

高宗純皇帝寶璽乾隆御覽之寶

鑒藏寶璽

全五璽

寶笈三編

收傳印記孤山草堂長

一重

謹案燕詒孫謀字謀又字五城攷見前據王
穉登書乃又號建侯此二冊皆謀所彙存者

于文若名若瀛濟寧人。萬曆癸未進士。歷官陝西巡撫。贈右副都御史。謚襄敏。見山東通志。祥毅即王穀祥。嘉慶即倪靈潭。字篤之。江寧人。天啟壬戌進士。歷官戶科給事中。見江南通志。南通志。元素即陳古白。陳元愷名勲。閬縣人。萬曆辛丑進士。歷官紹興知府。見福建通志。馮開之名夢禎。一字具區。秀水人。萬曆丁丑進士。歷官南國子祭酒。見嘉興府志。元度鄧雲霄字雲霄。東莞人。萬曆戊戌進士。歷官廣西右叅政。孟郁韓上桂字上桂。南海人。萬曆甲午舉人。官南國子博士。見廣東通志。茂吾當即徐桂。本作茂吳。長洲人。萬曆丁丑進士。除袁州推官。沈天啟。崑山人。萬曆壬午舉人。見蘇州府志。黃汝亨字貞父。仁和人。萬曆戊戌進士。歷官江西叅議。見杭州府志。起元。同時同名有五人。一楊起元。字貞復。歸善人。萬

歷丁丑進士。官文部右侍郎。諡文毅。一
起元字太初。江寧人。萬曆戊戌。賜在士第。三
致見前。一與太初同名。同籍嘉定人。有
有顯兄云。臨此顯姓。一周起元字。一
湛人。萬曆辛丑。進士。官蘇松巡撫。總兵部
右侍郎。諡忠惠。一蘇起元字。中猶。一
歷庚戌進士。官文部右侍郎。諡文毅。一
是。起元字太初。江寧人。萬曆戊戌。賜在士第。三
即焦弱侯。一蘇起元字。中猶。一

[illegible]

周亮工集名家山水 一冊

本幅十八對幅。右畫幅一紙本。縱七寸七分。
橫一尺。設色畫。蒼松雲壑。紅葉山村。無款。鈐
印二。誦成之印。其一未辨。原題青松十里。舊
日南朝曾種子。冒雪停霜。石罅盤根。琥珀光。
滿堦紅葉。秋晚尚飛黃蛺蝶。江水長天。軒豁
詩眸小閣前。用朗倩題字。賦減字木蘭花一
首。似櫟翁先生郢正。武塘曹爾堪。鈐印三。陸

舫爾堪顧菴二絹本縱七寸八分橫九寸九分設色畫林巒積雪自題李咸熙羣峯霽雪鈐印一王翬三紙本縱八寸五分橫八寸二分墨畫茅屋疎林自題昔人云畫至雲林殆不可學神妙如石田以不能得其三昧為恨此無他雲林全以韻勝非學力所能到戊申冬戲仿家藏安處齋圖雖結想差近殊類效顰如何如何顧復鈐印四東齋顧復來侯四

紙本縱七寸四分橫九寸七分設色畫絕

巖枕流江帆風駛鈴印一盛丹石絹本縱六

寸橫八寸設色畫松柏懸崖二人立崖上觀

泉鈴印一榮木六紙本以春縱七寸四分

橫九寸墨畫泉石林巒鈴印一正襟無款七

縱七寸四分橫一尺三分墨畫龜山疎樹鈴

印一半千八縱七寸八分橫九寸九分墨畫

層巒疊嶂一逕通幽款嚴繩孫鈴印二繩孫

秋水九縱七寸八分橫一尺一分幾設色畫
疎林古寺鈐印一。睿晉右方禪綾題諸通真
元人顧庵鈐印一。爾堪印十縱七寸六分橫
九寸八分墨畫雲山烟雨自題出牛首諸峯
回望之却是米老本色石禿鈐印二。介。嶠。右
方原題兜率崖前雙屐去鐵口橋畔一。耶。歸。
當時擬向牛頭住不道風塵與願違。鈐
印一。琅邪十一縱七寸七分橫一尺二分幾

設色畫春山窈窕流水滌迴桃塢藏霞坡陀
隱蔽古松雙株板橋一徑仙源幽邃迴出恒
谿鈴印一榮木原題沙明雲閣此中無一人
其不輕著杖笠之意無款印又題澄泉傳靈
別壑絕明風間境清寂寥無聲法幢鈴印二
法幢上方裸綾題跋憶向盤螭山下過虎橋
樹畔暫停舟依稀光福雲中塔春雨新添上
堰流此極似鄧尉道中虎山橋風景袁中郎

所謂白波翠巘者也。漁洋山人王士禎書。鈐印一。王士禎印。右方標綾題識。桃花流水杳然去。杜鵑不來猿狖寒。爾堪。丁未夏日集唐。鈐印一。顧庵。十二縱七寸八分。橫九寸八分。墨畫溪山迴複。雲樹迷離。自題黃鶴山樵。雖未夢見亦可。石道人鈐印一。未辨。右方題識。密如無天。曠如無地。看石老畫。作如是觀。鈐印一。越石。左方題識。北齊蘭陵王。白皙美丰。

姿每對敵必帶假面數立奇功此畫假面中
丰姿甚美未易見也六合孫沂如觀鈴印一
孫沂如印十三縱七寸九分橫一尺四分墨
畫松下觀泉自題百灘度流水萬壑響松風
此二語曾見趙文敏題畫偶憶到作圖并為
拈出項孔彰鈴印二從聞思修賞心樂事項
聖謨右方題句松色古離披扶筇獨咏詩却
疑秋色晚笑我還山遲姪方縣鈴印一日難

十四縱七寸二分橫九寸二分墨畫疎林遠
岫自題丙戌秋日為陶庵老先生弟督鈐印
一翰之十五縱七寸九分橫一尺二分墨畫
松嶺巖關鈐印二周荃印靜香十六縱七寸
六分橫九寸九分墨畫峯巒秀出林木蒼蔚
款乙未九日王元初鈐印一元初十七縱八
寸四分橫八寸九分墨畫溪山烟樹自題萬
家烟火白雲中香山向鈐印二惲本初道生

十八。縱七寸五分。橫九寸八分。墨畫峯巒環
秀村舍。臨窳無款。鈐印一。伯含左書。幅俱紙
本。第十。縱八寸九分。橫一尺二分。第十五。縱
八寸四分。橫五寸五分。餘俱同。右幅各幅題
跋。唐清畫謝靈運十世孫曹課松風雲影圖
絕類此幅。題云十里青松。半峯雲影。黃葉滿
階。畫眠未醒。朗道者題。鈐印二。丁亥朗倩客
秋自鶴林入招隱。兜子行平曠中。迴巒紆領。

與層松石楠相掩映洒然樂之賦詩云筍與
越黃鶴連岡帶平楚歷歷南朝松風吹落寒
雨今閱此幅覺戴公山下風物髣髴眉睫顧
安得著漁洋山人芒屨竹杖吟嘯其中邪屨
提王士禎鈐印三家在白山錦水之間王士
禎印屨提幅一乙巳夏禎在青州真意亭為注下
丙午先生題畫冊因憶辛丑在揚州壬寅在
二字真州前後為先生題畫賦詩不下三四十篇

今再而三矣。將來與先生相見。未知何地。念
之慨然。輒識數語於末簡。庚戌夏。先生方罹
憂患。居白門。而禎尚客袁浦。先生屬八十六
翁丁繼之寓書。且以四冊命題。意甚切至。禎
年來衣敗絮。行荆棘。泓穎久廢。感先生之意。
為跋二十餘則。追理前語。倏忽又四五年。感
時撫事。為之流涕。先生烟雲供養。雖入坎窞。
而天鈞泰然。自當動免乎險。第不知丁翁到

日先生披覽之下。憶青州曩昔之言。亦為忼
慨。破涕如余否乎。五月朔日。燈下。輟固里同
學晚生王士禎頓首拜識。鈐印二。持詩虞王
士禎印。幅二荒林高高遠山小。門對寒流沒秋
草。最是動人秋思深。若溪入暮剡溪曉。請櫟
翁侍郎教。方亨咸鈐印三。師復齋方亨咸印。
一字曰邵邨。幅三昔顧駿之構層樓為畫所。每
畫登樓去梯。家人罕見其面。自古以筆墨稱

者類有所寄寓而以豪素騁發其激宕鬱積
不平之懷故勝國諸賢往往以研北為桃花
源游息其中乃不知有世界安問治亂蓋所
謂有託而逃焉者今之號為畫者亦夥矣大
底刷駕塵氛心競刀錐之末其可與言此者
十未能一二也駿之層樓於焉絕響不勝古
今殊絕之感云庚戌九月書正櫟翁先生南
田草衣憚壽平鈐印三墨精正叔壽平
幅四絕

壑蕭條一樹松。幽人樵徑晚相逢。相將倚杖
吟秋水。望盡夕陽千萬峯。為櫟翁先生題葉
榮木畫。請正。禎具草。鈐印一。王士禎印。六月
清江放舸遲。火雲晴霧總難支。如何忽有松
風入。白鷺洲前看畫時。泊舟揚子。將之都下
走別櫟翁先生。出數冊見示。敬題一絕求政。
時庚戌季夏七日。嘉興李良年鈐印二。李十
九。武曾父。幅五。今日畫家以江南為盛。江南十

四郡以首郡為盛郡中著名者且數十輩但能吮筆者奚啻千人然名流復有二派有三品曰能品曰神品曰逸品能品為上餘無論焉神品者能品中之莫可測識者也神品在能品之上而逸品又在神品之上逸品殆不可言語形容矣是以能品神品為一派曰正派逸品為別派能品稱畫師神品為畫祖逸品散聖無位可居反不得不謂之畫士今賞

鑑家見高超筆墨則曰有士氣而凡夫俗子
於稱揚之詞寓譏諷之意亦曰此士大夫畫
耳明乎畫非士大夫事而士大夫非畫家者
流不知閭立本乃李唐宰相王維亦尚書右
丞何嘗非士大夫耶若定以高超筆墨為士
大夫畫而倪黃董巨亦何嘗在搢紳列耶自
吾論之能品不得非逸品猶之乎別派不可
少正派也使世皆別派是國中惟高僧羽流

而無衣冠文物也。但畫止能品。是王斗顏觸。皆可役而為卓隸。巢父許由。皆可驅而為牧圉耳。金陵畫家。能品最夥。而神品逸品。亦各有數人。然逸品則首推二谿。曰石谿。曰青谿。石谿。殘道人也。青谿。程侍郎也。皆寓公。殘道人。畫簾服亂頭。如王孟津。書法。程侍郎。畫。冰肌玉骨。如董華亭。書法。百年來論書法。則王董二公。應不讓。若論畫筆。則今日兩谿。又奚

肯多讓乎哉詩人周櫟園先生有畫癖來官
茲土結讀畫樓樓頭萬軸千箱集古勿論凡
寓內以畫鳴者聞先生之風星流電激惟恐
後至而况先生以書名以幣迎乎故載几盈
牀不止如十三經廿一史林宗五千卷茂先
三十乘登斯樓也吾不知從何處讀起暇日
偶過先生先生出此冊見示余緒閱再四皆
神品逸品其中尤喜程侍郎二幀因誌數語

幸藻鑑在前不然吾幾涉於阿矣時康熙己酉仲冬望前一日清涼山下人龔賢題鈴印一賢幅十年夢讀看山句展卷幽然悟別峯涼色乍添蕭寺古不知身入畫圖中辛亥六月偶客承恩梵剎櫟翁太夫子命題應教南州後學饒宇朴稿鈴印三吾廬饒宇朴印將文插天古木碧參差夾岸平岡帶淺沙若種桃花三百樹便隨漁父共移家宇朴又題鈴

印一饒口

七幅

登高創危構林表見川流微雨

颯已至蕭條川氣秋下尋密竹盡忽曠沙際
游紆直水分墊綿延稼盈疇寒花明廢墟樵
牧笑榛邱雲水成陰澹竹樹更清幽適自戀
佳賞復茲永日留又石壁精舍高排雲聊直
上佳游愜始願忘嶮得前賞厓傾景方晦谷
轉川如掌綠林含蕭條飛閣起宏敞道人上
方至深夜還獨往日落羣山陰天秋百泉響

所嗟累已成。安得長偃仰。又貴賤雖異等。出
門皆有營。獨無外物牽。遂此幽居情。微雨夜
來過。不知春草生。青山忽已曙。烏雀繞舍鳴。
昔與道人偶。或隨樵者行。自當安蹇劣。誰謂
薄世榮。右韋應物詩第一章。登西南岡卜居
遇雨尋竹浪至澧墟紫帶數里清流茂樹雲
物可賞。第二章。藍嶺精舍。第三章。幽居。庚戌
立夏前八日。秣陵吳晉書於恕老堂。鈐印三

秣陵吳晉介茲

八幅

善學大癡唯我臣虎此作

在黃鄒之間山濤鈐印一岱觀趙大年作畫

平遠絕似右丞此派傳之雲林雖工緻不敵

而著色蒼古勝矣此幅可謂兼能梅蕊鈐印

一杓司

九幅

米南宮在潤州時時看隔江烟雨

山水昏濛作畫遂入神妙天下萬山萬水俱

作潤州氣象數百年後寫牛首諸峯者亦復

得其大意然可以神合不可以筆求也朱一

是識鈴印二。一是雨暗前山萬樹烟。迷離何
處是江天。漁人罷釣歸來急。只恐風迴不繫
船。鹿峯子漫題鈴印一。鹿峯幅玉皇香吏古
金僊。日日清齋。日日眠。物外不妨閒。勾當象
先多得好林泉。棲尋何地非蓬戶。快足平生
是輞川。漫售閒珠三百口。善藏難寶一千年。
如新粉本無完地。不落精神化冷烟。信有因
緣當適值。末由呵護豈能傳。看須屏息平心。

戒展必焚香拜手處四壁無風雲木動衆山
俱響瀑花濺前身我輩呼堪出裴迪邱為孟
浩然右震父題輞川圖元翁社尊自維楊秉
憲將之八閩出眎所輯此冊屬題為書葛有字
誤詩見意蓋後先千載能師右丞一派而與
輞川並傳庶幾在此以是服先生鑒賞為獨
至耳劉象先章革鈴印二象先方巢十一曲
曲邛墟歷歷真長鏡不共短筇掄非關筆墨

多疎漏。老衲山樵自隱身。亨咸書於師復齋。
鈐墨印二。方亨咸印。字曰吉偶。十二石漱流。
泉不擇時。山翁長此對吟詩。松風又送白雲
出。只有青藜拄杖知。櫟園先生命題莊同生。
鈐印一。莊同生印。蒼松風響入雲端。潺潺溪
水寒。長流深處非人間。天空水又還。杖可拄。
望前灘。誰云行路難。高吟不斷意珊珊。迎風
興未闌。右調阮郎歸。應櫟翁尊叔委姪銘鈐。

印一臣銘私印

十三幅

七大師品地高潔塵眛

簪紱故其落筆條然不可一世學倪清閔者當以此為導師清閔題畫詩有云篝燈染筆三更後遠岫疎林亦耐看殆若為此而設七師有子明貢士亦善畫允甲鈐印一唐允甲印余嘗言人生處世宜有畫意蓋以能輕淡也重處能輕濃處能淡學道過半畫亦過半矣庚戌長至日江安澤宏書鈐印二澤宏夢

似亭

幅十四

眉公謂雪令人靜月令人孤此幀

足極其致對之那得不悠然自遠塵慮俱清
梅壑旅人士標鈴印一查二瞻清新庾開府
俊逸鮑參軍此杜公贊謫仙詩也此圖有焉
邗上汪審鈴印一秋澗

幅十五

老僧愛花不顧

雨破袖淋漓促搖櫓朝來水添三尺強小船
直到桃花塢雨中顏色勝夭桃大都開有十
三五力向狂風驟雨持亦見數片新沾土惜

花莫若老僧心。叮嚀看者休攀取。黃大宗招
予陪南庵上人雨中看梅。烟雨空濛笠子輕。
一湖春水為梅生。坐中野客常乘興。世外高
僧偶寄情。畦剪青蔬經筋爛。瓶封紫笋試泉
清。花光雖接波光遠。只傍鬚眉上下明。前題
杜首昌鈐印二。杜首昌印。湘草十六。昔者吾
友香山憚予人不可見。畫猶在此。青山白雲
留贈伊誰同遊共飲。追維其時允謙鈐印一。

允謙北苑胎。巨然派。刻甜俗。發清籟。印須之。
人不在。緬停雲。歌露薤。己酉四月。阮玉鉉。鈐
印。一。阮玉鉉私印。憚子余老友也。原名本初。
字道生。晚慕白太傅草堂。更名向。別字香山。
欲歸隱焉。武進人。鉉又記。鈐印。一。阮鼎。
人家喬木杪。漁艇落英邊。便欲尋源入。求耕
不稅田。竹樹森森暗。溝塍脈脈斜。殷勤野鳥
喚。似喚我移家。呈櫟翁老祖臺先生教後學。

周寰鈐印三。漱霞周寰之印。大瓠居士。幅十八

前副葉標題

心乎愛矣。鈐印四。春及亭。辛亥。文端公孫何采。

鑒藏寶璽 全五 寶笈三編

註果是冊皆明末國初人詳見亮工所著讀畫錄中。

宋四賢尺牘一卷

本幅紙本四幅第一幅縱九寸橫一尺二寸五分行書巖叟啟早來略喜瞻晤蒙教敬審向夕台候萬福未即上謁少敘謝意謹奉啟不宣巖叟再拜給事淳夫侍講台坐十八日第二幅縱九寸橫一尺六寸行書口口頓首倏阻清言俄新朔旦固凝樂可知也辱手字承入見有期虛懷是副忻豁之抱併容面談

不宣□□再拜叅政大諫台席廿九日處暑
之後數夕淫潦加之霽澍頓失熯煩諒資勿
藥也對見拜數不知莫計會閤門會例減得
更裁之第三幅縱八寸橫一尺六分行書藻
頓日者芝大師過郡辱惠手尺屬董夫役未
皇修謝繼此墜教伏承大孝善勝至慰至感
向不承裏事之日有矢馳慰負負未期會晤
更惟禮愛副此區區藻再拜十八日啟上大

孝著作侍其君之右。鈐印一藻。第四幅縱八寸六分。橫一尺六寸二分。行書。淑頓首。近者舟從經此。幸獲披展。以慰積年懷向之誠。公冗區區。不能頻奉讌語。想蒙見亮。即日必已視事。乍到起居如何。未遂再集。惟切企系。幸冀公餘自重。行俟褒陞。謹奉手啟。不宣。淑頓首。持正縣丞故人。初一日。

卷尾題識

明嘉靖三十一年八月裝池宋王巖叟等四
賢手帖墨林項元汴家藏原價六金

卷內鈐

高宗純皇帝寶璽乾隆御覽之寶

鑒藏寶璽

五璽
寶笈三編

收傳印記天籟閣一重宮保世家一重張應田印

童子郎官家有賜書項墨林父秘笈之印一重

桃花源裏人家項子京氏二重瑞錦窠項叔子

二重張氏春星草堂珍藏書畫之印桃里墨林

祕玩二重子孫世昌構李項氏士家寶玩一重寄

教一重項元汴印三項墨林鑑賞章一重太邱陳

氏三重璧一重五六一六藝之圖平生真賞二重口方

之外子孫永保二重墨林山人一重項子京家珍

藏一重子京所藏一重橘里清賞子京父印二重虛

朗齋一重吳郡葉氏若水軒退密口生珍玩一重半

沮溺之儔墨林生陳光達氏一重墨林口口之

章子京墨林隱居放言墨林父田疇耕耨一重

□□田□□□山樵□菴項元汴氏審定真

跡

謹集王巖叟字彥霖清平人元祐時拜簽書
樞密院事致見續編淳夫范祖禹字又字夢
得華陽人嘉祐八年進士甲科哲宗朝累擢
右諫議大夫給事中拜翰林學士宋史有傳
藻淑皆不署姓未敢隱定致蘇州志有錢藻
字醇老吳越王鏐五世孫皇祐癸巳進士歷
官翰林侍讀學士又侍其璋皇祐乙丑進士
藻書稱侍其君疑即此二人也

紙織董其昌秋夜讀書詩 一冊

本幅摺裝十四幅皆縱九寸一分橫一尺五寸紙織董其昌行書秋夜讀書良宵迎爽至舊簡拂塵看駒影過牕螢光映室寒唵餘砧欲度檢處燭初殘漫訝邊生卧潛來太乙觀五車繙未易尺璧寶非難月幌牙籤白霜庭草帶丹居然照千古糟粕笑侯桓其昌書印二董其昌印宗伯學士 大字難於結密

而無閒小字難於寬展而有餘猶非篤論必
如米南宮所云大字如小字小字如大字以
勢為之主者是也余學書三十年始見此意
耳思翁重題印一董元宰

鑒藏寶璽

金五璽

寶笈三編